



ТОШКЕНТ

2014 йил 25 СЕНТЯБРЬ, ПАЙШАНБА

ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 189 (12.750)

Баҳоси эркин нарҳда

Ёшларга оид давлат
сиёсати — амалда

ПОЙТАХТНИНГ БИР
КУНИ



ЁШЛАР СОҒЛОМ АХБОРОТ МУҲИТИ ТАРАФДОРИ

«Туркистон» саройида «InfoCOM – 2014» ахборот-коммуникация технологиялари ҳафталиги доирасида ёшлар ўртасида «MIT.uz» миллий интернет танлови ғолибларини тақдирлаш маросими бўлиб ўтди.

II миллий интернет танлови Президентимиз Ислам Каримовнинг шу йил 6 февралда қабул қилинган «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги Қарори ижросини таъминлаш доирасида «Камолот» ёшлар ижтимоий ҳаракати томонидан қатор вазирлик, идора ва ташкилотлар билан ҳамкорликда ташкил этилди. Тадбир ёшларни глобаллашув шароитида ахборот хуружларидан ҳимоя қилиш, уларнинг замонавий ахборот технологияларидан фойдаланиш кўникмасини ошириш, шунингдек, амалга оширилаётган ислохотларни интернет тармоғи орқали кенг ёритишда ёшлар иштирокини кенгайтиришга қаратилган.

Мамлакатимизда мунтазам ўтказиб келинаётган интернет танлов ва фестиваллари, уларда иштирокчилар сафининг кенгайиб бораётгани Президентимиз раҳнамолигида ахборот соҳасида амалга оширилаётган кенг кўламли ислохотлар самарасидир. Давлатимиз раҳбарининг 2013 йил 27 июндаги Ўзбекистон Республикасининг Миллий ахборот-коммуникация тизимини янада ривожлантириш чора-тадбирлари тўғрисидаги Қарори 2013-2020 йилларда мамлакатимиз ахборот ресурслари, тизим ва тармоқларини янада ривожлантириш стратегиясини белгилашга хизмат қилмоқда.

«MIT.uz» миллий интернет-танлови мамлакатимиз ахборот ресурслари ва сервисларини яратиш ҳамда ривожлантириш, ёшлар учун мўлжалланган, шунингдек, ахборот маданиятини шакллантиришга кўмаклашадиган сифатли интернет лойиҳаларини оммалаштириш, хавфсиз интернет маконини таъминлаш, иқтидорли ёшларни рағбатлантириш, ёш веб-дизайнер ҳамда дастурчиларни моддий ва маънавий қўллаб-қувватлаш, интернетда ёшлар сегментини янада кенгайтиришга қаратилган.

Жорий йилда танловда 14 ёшдан 30 ёшгача бўлган 1300 нафарга яқин ёшлар қатнашди.

Танловга ижодий ишлар билан бир қаторда қарийб 300 интернет-сайт, 800 ариза – фотосуратлар, видеороликлар ва фотоколлажлар ҳам тақдим этилди. Шуниси эътиборлики, танлов қатнашчиларининг 80 фоиздан зиёди талабалардир. Тақдим этилган сайтларнинг 60 фоиздан ортиғи шу йил ишга туширилган.

Танловга келиб тушган 1300 дан зиёд ижодий ишнинг энг яхшилари тўққизта асосий ва учта қўшимча номинация

бўйича танлаб олинди. Чунончи, «Ўзбекистоннинг бой маданияти, санъати, тарихи ва мустақиллик ғоясини акс эттирадиган энг яхши сайт», «Маҳалла, қишлоқ ва шаҳарнинг энг яхши фотосурати», «Ўзбек мумтоз шеърини ва адабиётини тарғиб қилувчи ва ёшлар иштирокида тайёрланган энг яхши ролик», «Ўзбекистоннинг иқтисодий ва сайёҳлик салоҳиятини акс эттирувчи энг яхши сайт», «Энг яхши янгиликлар сайти», «Фойдаланувчилар фикри бўйича энг яхши сайт» ва бошқа номинациялар бўйича учтадан совриндор бўлиб ўтди.

«Ўзбекистоннинг иқтисодий ва сайёҳлик салоҳиятини акс эттирувчи энг яхши сайт» номинациясида жиддий рақобат кузатилди. Ёшларнинг тадбиркорлик фаолиятига кенг жалб этилаётгани самарасида шу мавзудаги сайтларга бўлган қизиқиш тобора ортиб бораёттир. Ушбу номинацияда kommersant.uz сайти биринчи, vizitxorem.uz ва bizplan.uz сайтлари иккинчи ва учинчи ўринларни эгаллади.

– Мен яратган kommersant.uz сайти ўқувчиларга Ўзбекистон ва дунёдаги бизнес ҳақидаги долзарб ва ишончли ахборотни тезкор тақдим этмоқда, – дейди веб-дастурчи Арҳам Бозоров. – Ушбу веб-ресурс муваффақияти унга бўлган талаб билан бевосита боғлиқдир. Ўз фаолиятини энди йўлга қўйган ёш тадбиркорлар мазкур сайтда фойдали маълумот, маслаҳат ва қўлланмаларни топиши мумкин.

Ўзбекистон Миллий ахборот агентлиги – ЎзАнинг www.uz.uz сайти интернет-танловнинг «Икки тилда яратилган энг яхши сайт» номинацияси ғолиби бўлди.

– Жорий йилги танловда иштирокчилар сони ва тақдим этилган ишлар сифати бўйича ўтган йилгига нисбатан сезиларли ўсиш кузатилди, – дейди «MIT.uz» миллий интернет танлови хайъат аъзоси Алишер Тожиев. – Танлов иштирокчиларининг фаолиятини диққат билан кузатиб борамиз ва уларнинг лойиҳаларини янада такомиллаштиришга кўмаклашамиз.

Тадбир доирасида иштирокчилар ва ғолибларнинг юздан ортиқ фотосурати, шунингдек, ёш дастурчиларнинг энг яхши веб-ишланмалари ва дастурий таъминоти кўргазмаси ҳам бўлиб ўтди.

Миллий интернет танлови ғолиб ва совриндорларига диплом ва мукофотлар топширилди.

Бобур ОБИДОВ,
ЎЗА мухбири
Ё. Шамсидинов (ЎЗА) олган сурат

ХАЛҚ ДЕПУТАТЛАРИ ТОШКЕНТ ШАҲАР КЕНГАШИ СЕССИЯСINI ЧАҚИРИШ ТЎҒРИСИДА

Тошкент шаҳар ҳокими қарорига мувофиқ 2014 йил 26 сентябрь кўни соат 15.00 да Тошкент шаҳар ҳокимлигининг катта мажлислар залида халқ депутатлари Тошкент шаҳар Кенгашининг ўттиз саккизинчи сессияси ўтказилди.

Сессия кун тартибига қуйидаги масалалар киритилмоқда:

– Халқ депутатлари Тошкент шаҳар Кенгашига сайлов ўтказувчи шаҳар сайлов комиссияси таркибини тузиш тўғрисида;

– Халқ депутатлари Тошкент шаҳар Кенгашига сайлов ўтказувчи шаҳар округлари сонини белгилаш тўғрисида;

– «Меҳнатни муҳофаза қилиш тўғрисида»ги Ўзбекистон Республикаси Қонунининг Тошкент шаҳридаги ижроси ҳамда 2014 йилда янги иш ўринларини

яратиш ва аҳоли бандлигини таъминлаш борасида амалга оширилаётган ишлар тўғрисида;

– Тошкент шаҳридаги кўп қаватли уй-жой фонди, ижтимоий-иқтисодий соҳа объектларини барқарор коммунал хизматлар билан таъминлаш, хусусий уй-жой мулкдорлари ширкатлари ва бошқарув компаниялари фаолиятини ривожлантириш мақсадида, маҳалла, хусусий уй-жой мулкдорлари ширкатлари, бошқарув компаниялари, коммунал хизмат кўрсатиш корхоналари ва аҳоли ўртасида ўзаро ҳамкорлик тизимини янада жадаллаштириш борасида олиб борилаётган ишлар тўғрисида;

– «Рақобат тўғрисида»ги Ўзбекистон Республикаси Қонунининг Тошкент шаҳридаги ижроси бўйича Ўзбекистон Республикаси Хусусийлаштириш, монополиядан чиқариш ва рақобатни ривожлантириш Давлат қўмитаси Тошкент шаҳар бошқармасининг фаолияти тўғрисида;

– «Маҳаллий давлат ҳокимияти тўғрисида»ги Ўзбекистон Республикаси Қонунининг ижроси юзасидан туманни ижтимоий-иқтисодий ривожлантириш ҳамда иқтисодийни ислох қилиш ва эркинлаштириш жараёнларини чуқурлаштириш юзасидан устувор вазифаларни амалга ошириш бўйича Яшнобод, Чилонзор ва Учтепа туманлари ҳокимликларининг фаолияти тўғрисида;

– Тошкент шаҳридаги баъзи географик объектлар номларини тартибга келтириш тўғрисида ва бошқа масалалар.

АХБОРОТ-КОММУНИКАЦИЯ ТЕХНОЛОГИЯЛАРИ МИЛЛИЙ САММИТИ

Тошкентда «АКТ-саммит – 2014» ахборот-коммуникация технологиялари миллий саммити бўлиб ўтди.

«InfoCOM – 2014» ахборот-коммуникация технологиялари ҳафталиги доирасидаги ушбу саммит мамлакатимиз ахборот-коммуникация технологиялари соҳасидаги муҳим воқеалардан биридир.

Ўзбекистон Республикаси Алоқа, ахборотлаштириш ва телекоммуникация технологиялари давлат қўмитаси раиси Хуршид Мирзохидов, БМТнинг мамлакатимиздаги доимий мувофиқлаштирувчиси ва БМТ Тараққиёт дастурининг доимий вакили Стефан Приснер ва бошқалар Президент Ислам Каримов раҳнамолигида ахборот соҳасида амалга оширилаётган кенг кўламли ислохотлар ахборот-коммуникация технологияларини янада ривожлантириш ҳамда иқтисодий ва ижтимоий соҳанинг барча тармоқларига жорий этишга хизмат қилаётганини алоҳида таъкидлади. Давлатимиз раҳбарининг 2013 йил 27 июндаги Ўзбекистон Республикасининг Миллий ахборот-коммуникация тизимини янада ривожлантириш чора-тадбирлари тўғрисидаги Қарори 2013-2020 йилларда мамлакатимиз ахборот ресурслари, тизим ва тармоқларини ривожлантириш стратегиясини белгилашга хизмат қилмоқда.

Саммит Ўзбекистон Республикаси Олий Мажлиси Қонунчилик палатасининг Ахборот ва коммуникация технологиялари масалалари қўмитаси, Ўзбекистон Республикаси Компьютерлаштириш ва ахборот-коммуникация технологияларини ривожлантириш бўйича мувофиқлаштирувчи кенгаши, Алоқа, ахборотлаштириш ва телекоммуникация технологиялари давлат қўмитаси, Ўзбекистон ахборот технологиялари корхона ва ташкилотлари уюشمаси ҳамда «ICTNEWS» нашри ҳамкорлигида ташкил этилди.

(Давоми 2-бетда)

Сайлов – 2014

СИЁСИЙ ПАРТИЯЛАРНИНГ САЙЛОВЧИЛАР ИМЗОСИНИ ТЎПЛАШ ЖАРАЁНИ ДАВОМ ЭТМОҚДА

Ўзбекистон Республикаси Марказий сайлов комиссияси томонидан 2014 йилнинг 15 сентябридан мамлакатимиз парламент кўйи палатаси ва халқ депутатлари вилоят, туман ва шаҳар Кенгашларига сайлов бўйича сайлов кампанияси расман бошлангани эълон қилинди.

Шу кунларда сайлов кампаниясининг барча босқичларида шаффофлик, ошқоралик, очиқлиқни таъминлаш бўйича комплекс чора-тадбирлар амалга оширилмоқда. Зеро, Президентимиз Ислам Каримов раҳнамолигида соҳага оид ҳуқуқий асосларнинг мустаҳкамлаб қўйилгани бўлажак сайловларни энг демократик талабларга ва умумэтироф этилган халқаро стандартларга мувофиқ тарзда ўтказишда муҳим омил бўлиб хизмат қилади.

Мамлакатимизда фаолият кўрсатаётган барча сиёсий партиялар – Тадбиркорлар ва ишбилармонлар ҳаракати – Ўзбекистон Либерал-демократик партияси, Ўзбекистон «Миллий тикланиш» демократик партияси, Ўзбекистон Халқ демократик партияси, Ўзбекистон «Адолат» социал-демократик партияси парламент сайловида иштирок этиш истагини билдирган.

Сиёсий партияларга Ўзбекистон Республикаси Марказий сайлов комиссияси томонидан «Ўзбекистон Республикаси Олий Мажлисига сайлов тўғрисида»ги қонуннинг 20-моддасига мувофиқ сайловчилар имзосини тўплаш учун белгиланган намунадаги имзо варакалари берилган.

Қонунчиликка мувофиқ, сиёсий партия сайловда уни қўллаб-қувватлайдиган сайловчиларнинг камиди қирқ мингта имзосини тўплаши зарур. Бунда мамлакатимизнинг битта маъмурий-ҳудудий тўзилмасида, яъни Қорақалпоғистон Республикаси, вилояти ёки Тошкент шаҳрида тўпланган имзолар сони талаб этилган умумий имзолар сонининг саккиз фоиздан ошмаслиги белгиланган.

(Давоми 2-бетда)



МАМЛАКАТИМИЗДА

• Гулистонда оналик ва болаликни муҳофаза қилиш борасида амалга оширилаётган чора-тадбирларнинг оммавий ахборот воситаларида ёритилишига бағишланган давра суҳбатини ўтказилди. Унда ихтисослаштирилган тиббий муассасалар, тегишли идора ва ташкилотлар вакиллари, оммавий ахборот воситалари ходимлари иштирок этди.

• Самарқанд вилоятининг Жомбой туманидаги «Жомбой жавоҳири» масъулияти чекланган жамияти қошида гипс ишлаб чиқариш корхонаси фаолият бошлади. Йилга 40 минг тонна гипс тайёрлаш қувватига эга мазкур корхона маҳсулотлари ички бозор билан бирга, хорижга ҳам экспорт қилинади.

• Сирдарёда «IctExpo – 2014» аънавий миллий ахборот технологиялари кўргазмаси ташкил этилди. Аҳолига мобил алоқа, ахборот ва телекоммуникация ҳамда интернет хизматлари кўрсатишга ихтисослашган корхона ва ташкилотлар, тадбиркорлар, давлат органлари масъул ходимлари иштирок этган тадбирда телекоммуникация соҳасига оид янги техника ва технологиялар намойиш этилмоқда.

• Навоий вилоятида фаолият юритаётган кичик бизнес ва хусусий тадбиркорлик субъектлари томонидан жорий йилнинг ўтган даврида 20 мингдан зиёд янги иш ўрни яратилди. Кичик бизнес ва хусусий тадбиркорлик субъектларининг вилоят ялпи ҳудудий маҳсулотидаги улуши йилдан-йилга ошиб бормоқда.

ЖАҲОНДА

• АҚШлик талабалар томонидан яратилган электр қуввати билан ҳаракатланувчи «Electric Blue» автомобили шу турдаги машиналар ўртасида жаҳон рекордини янгилади. Гап шундаки, ушбу автоулов АҚШнинг Юта штатида бўлиб ўтган чемпионатда сатига 329,75 километр тезлик билан ҳаракатланиб, мусобақада иштирок этган 180 дан ортиқ электромобилни ортада қолдирди. Машинанинг оғирлиги 500 килограмм.

• Хитойнинг Хунань музофотидаги петардалар ишлаб чиқарувчи корхонада портлаш юз берди. Бунинг оқибатида ўн икки киши ҳаётдан қўз юмиб, яна ўттиз уч нафар одам тан жароҳати олган. Улардан тўрт нафарининг аҳоли оғир. Манбада фалокат сабаблари ҳақида муълумотлар йўқ.

• «Air France-KLM» (Франция/Нидерландия) авиакомпанияси учувчилари томонидан ташкил этилган иш ташлашлар сабабли муассаса кўраётган иқтисодий зарар миқдори ошиб бормоқда. Айни пайтга келиб бу миқдор 20 миллион еврога етган. Шу тариқа иш ташлашлар бошлангандан бери мазкур компания 100 миллиондан ортиқ молиявий зарар кўрган.

• Сўнгги ўн йил ичида биринчи марта Буюк Британиядаги йирик чакана савдо тармоғи «Tesco»нинг қимматли қоғозлари қиймати Лондон биржасида 12 фоиз тушиб кетди. Бунга компания ўз даромади ҳақидаги маълумотни нўтўғри эълон қилгани сабаб бўлган. Аниқланишича, муассаса жорий йил биринчи ярмида хато туфайли ўз даромадини 317 миллион еврога қўпайтириб, эълон қилиб юборган. Аслида маблағ тушуми бу миқдорни ташкил этмаган.

СИЁСІЙ ПАРТИЯЛАРНИНГ САЙЛОВЧИЛАР ИМЗОСИНИ ТЎПЛАШ ЖАРАЁНИ ДАВОМ ЭТМОҚДА

(Давоми. Боши 1-бетда)

– Президентимиз раҳнамолигида барпо этилган кучли фуқаролик жамиятига асосланган демократик ҳуқуқий давлатимиз асослари мустаҳкамлангани фуқароларнинг ҳуқуқий маданияти, сиёсий онги ошиб бораётганида ҳам ўз ифодасини топтоқда, – дейди Тadbirkorлар ва ишбилармонлар ҳаракати – Ўзбекистон Либерал-демократик партияси Қашқадарё вилояти кенгаши раиси Мустафхон Султонов. – Бу фуқароларнинг бу йил бўлиб ўтадиган муҳим сиёсий жараён – сайловларга бўлган муносабатиди яққол намоён бўлаётган. Сайлов кампанияси бошлангани эълон қилиниши билан нафақат электоратимиз бўлган тadbirkorлар ва фермерлар, балки кенг омманинг воқеликка катта қизиқиши билан муносабатда бўлаётгани кузатилади. Имзо тўплаш жараёнида ҳам аҳолининг фаоллиги кўзга ташланимоқда. Чунки жуда қисқа муддатда вилоятимиздан партиямиз учун зарур бўлган имзолар тўпланди.

– Яқиндагина бошланган сайлов жараёни олдинги сайловлардан фарқ қилади, – дейди Ўзбекистон «Миллий тикланиш» демократик партияси Андижон вилояти кенгаши раиси Комилжон Отахонов. – Чунки одамларнинг дунёқараш, ҳаётга бўлган муносабати ўзгарган. Фуқароларимиз сайлов орқали муҳим ҳуқуқини амалга оширишни, бу уларнинг жамият ва давлат ишларини бошқаришдаги иштироки эканини яхши билади. Бу борада мамлакатимизда барча ҳуқуқий қафоллар яратилгани ҳам юртдошларимиз ишончини мустаҳкамлаган. Партияларга яратиб берилган имкониятлар тўғрисида аҳолининг барча қатламларига кириб бориб, уларга яқиндан кўмаклашмоқдамиз. Бунинг самараси имзо тўплаш жараёнида яққол намоён бўлмоқда.

– Мамлакатимиздаги иқтисодий, ижтимоий барқарорлик тўғрисида аҳоли тинч ва фаровон ҳаёт кечирмоқда, – дейди Ўзбекистон Халқ де-

мократик партияси Хоразм вилояти кенгаши раиси Райимберган Собуров. – Бундан кўнгли тўлиб, эртанги кунга ишончи мустаҳкам бўлган фуқароларимиз юртимизда бўлаётган ижтимоий-сиёсий жараёнларга дахлдорлик ҳисси билан яшамоқда. Улар амалга оширилаётган ҳар бир ислохот эртага ўзи, оиласи, фарзандлари тақдирини ижобий мазмун касб этишини жуда яхши билади. Шу маънода бўлажак сайловларнинг юксак савияда ўтказилиши, унда сайловчиларнинг фаол иштироки мамлакатимизнинг янги марраларга етишида, жаҳон ҳамжамиятидаги ўз ўрнини янада мустаҳкамлашида муҳим аҳамият касб этади. Бунинг қуқур англаган вилоятимиз сайловчилари имзо тўплаш жараёнида фаоллик кўрсатмоқда.

– Сайлов жараёнида очиклини таъминлашнинг ҳуқуқий механизмлари янада такомиллаштирилгани унинг юқори демократик талаблар асосида ўтказилишига кенг йўл очди, – дейди Ўзбекистон «Адолат» социал-демократик партияси Тошкент вилояти кенгаши раиси Камолжон Шодиметов. – Жорий йилда ҳокимиятнинг қонун чиқарувчи ва ижро этувчи тармақлари фаолиятини янада демократлаштириш, сиёсий партиялар фаоллигини ошириш, демократик жамиятнинг энг муҳим таркибий қисми бўлган партиялараро рақобатни кучайтиришни назарда тутувчи янги қонун қабул қилинган жамиятимиз ҳаётида муҳим воқеа бўлди. Янгича шaroитда бўлиб ўтадиган сайловларга аҳолининг қизиқиши юқори. Бунинг имзо тўплаш жараёнида уларнинг фаоллиги ҳам яққол тасдиқлаб турибди.

Таъкидлаш лозимки, тўпланаётган имзолар имзо варақалари топирилган, Марказий сайлов комиссияси уларнинг тўғри тўлдирилганини текширади.

Мазкур жараён бутун мамлакатимиз бўйлаб давом этмоқда.

Н.АБДУРАИМОВА,
ЎЗА мухбири

АХБОРОТ-КОММУНИКАЦИЯ ТЕХНОЛОГИЯЛАРИ МИЛЛИЙ САММИТИ

(Давоми. Боши 1-бетда)

Тadbirkor миллий ва халқаро экспертларда йил сайин тобора катта қизиқиш уйғотмоқда. Унда мамлакатимиз ва Жанубий Корея, Япония, Эстония, Беларусь, Чехия, Кипр каби давлатлардан 500 дан зиёд делегат иштирок этгани ҳам бунинг яққол тасдиғидир.

«АКТ давлат секториди», «АКТ бизнесда» «Интернет ва ахборот ресурслари» каби йўналишлар бўйича маърузалар тингланди. Япни ва шўъба йиғилишларида юқори технологиялар бозорининг етакчи экспертлари, давлат органлари, жамоат ва халқаро ташкилотлар вакиллари, мамлакатимиз ва чет эл IT компаниялари раҳбарлари ҳамда мутахассислари ахборот-коммуникация технологияларини иқтисодиёт ва жамият ҳаётининг турли жабҳаларига жорий этишга доир долзарб масалаларни муҳокама қилди. IT саноати стратегиялари ва уни ривожлантириш, технология ва инфратузилмаларни такомиллаштириш, янги илова ҳамда ечимлар ишлаб чиқиш масалалари кўриб чиқилди.

Ўзбекистонлик мутахассислар юртимизда «Электрон ҳукумат» тизимини шакллантириш тажрибаси, миллий тармоқ бизнесини ривожлантиришнинг ўзига хос хусусиятлари тўғрисида сўзлаб берди. Иқтисодиёт ва ижтимоий ҳаётнинг турли соҳаларига ахборот-коммуникация технологияларини кенг жорий этиш, ахборот хавфсизлиги тизимини такомиллаштириш ва янги истикболли лойиҳаларни амалга ошириш учун инновацияларни жалб этиш масалалари муҳокама қилинди.

Саммитда Жанубий Корея делегатлари кенгайтирилган таркибда иштирок этди. Улар ахборот-коммуникация технологияларини давлат секторидида қўллаш борасида эришилган ютуқларга бағишланган маърузалар билан қатнашиб, ушбу соҳада ўзбекистонлик шериклар билан ўзаро манфаатли ҳамкорлик ҳусусида атрофлича тўхталиб ўтди.

– Ўзбекистонда юқори технологиялар соҳасининг давлат томонидан қўллаб-

қувватланаётгани соҳани янада ривожлантириш учун кенг имкониятлар яратмоқда, – дейди ЎЗА мухбирига Жанубий Кореянинг LG CNS компанияси президенти Ким Дэ Хун. – Иқтисодиётнинг турли жабҳаларига ахборот-коммуникация технологияларининг жорий этилаётгани бунинг ёрқин исботидир. Ўзбекистонлик ҳамкасбларимиз билан ҳамкорликни янада мустаҳкамлаш ва қўшма бизнес лойиҳаларини ривожлантиришга ишонамиз.

Мазкур саммит мутахассислар, давлат органлари ва халқаро ташкилотлар, шунингдек, хусусий секторга ахборот-коммуникация технологиялари бозорининг ҳолатини таҳлил қилиш, соҳадаги сўнгги ютуқлар билан танишиш, янги ишончли ҳамкорлар топиш, мамлакатимизда ахборот-коммуникация технологияларини кенг жорий этиш учун қўшимча инвестиция ресурсларини жалб қилиш имконини берадиган ўзига хос майдонга айланди.

Бобур ОБИДОВ

Мамлакатимизда фаол ривожланиб бораётган демократлаштириш жараёнларини инобатга олган ҳолда миллий қонунчилик янада такомиллаштирилмоқда. Жумладан, маъмурий жавобгарликка оид қонунчиликнинг замон талабларига мувофиқлаштирилаётгани сиёсий, иқтисодий, давлат-ҳуқуқий муносабатларнинг бутун тизимини модернизация қилиш, инсон ҳуқуқ ва эркинликларини изчил ҳимоялашга хизмат қилади.

МАЪМУРИЙ ҚОНУНЧИЛИК ВА АМАЛИЁТ

Ўзбекистон Республикаси Адлия вазирлигида маъмурий ҳуқуқбузарлик тўғрисидаги ишларни юритиш амалиётига бағишлаб ўтказилган анжуманда шу йўналишда амалга оширилаётган ишлар, маъмурий қонун нормаларини қўллашнинг муҳим жиҳатлари атрофлича муҳокама этилди.

Адлия вазирлиги тadbirkorлар ҳуқуқларини ҳимоя қилиш бошқармаси бошлиғи Ш.Саидов ва бошқалар Президентимиз Ислон Каримов раҳнамолигида миллий қонунчилик фуқаролар ҳуқуқ ва манфаатларига мос тарзда такомиллаштирилаётгани мамлакатимиз тинчлиги, жамиятимиз равнақига хизмат қилаётганини таъкидлади.

Жамиятда ҳуқуқ-тартиботни мустаҳкамлаш, фуқароларнинг ҳуқуқ ва эркинликларини, мулкни, давлат ва жамоат тартибини, атроф-муҳитни муҳофаза қилиш, ижтимоий адолат ва қонунийликни таъминлашда Маъмурий жавобгарлик тўғрисидаги кодекснинг аҳамияти беқиёс. Чунки шу асосда маъмурий ҳуқуқбузарликка оид ишлар ўз вақтида ва ҳолисона кўриб чиқилади, кўп ҳолларда ҳуқуқбузарликларнинг олди олинади.

Шу боис кодексни янада такомиллаштиришга эътибор қаратилиб, ушбу ҳужжат янги таҳрирда тайёрланди. Унда қўллаб меъёрий-ҳуқуқий ҳужжатларда ўз аксини топган маъмурий жавобгарликка оид нормалар унификация қилинган. Бу соҳага оид меъёрий-ҳуқуқий ҳужжатларни бирхиллаштириш, маъмурий ҳуқуқбузарликлар тўғрисидаги ишларни қўришнинг ва фуқаролар ҳуқуқларини ҳимоя қилишнинг процессуал механизмларини такомиллаштириш, қатор қонунбузарлик ҳолатларини жиноий юрисдикциядан маъмурий юрисдикцияга ўтказишни назарда тутди.

Тadbirkorда Адлия вазирлиги томонидан Европа Иттифоқининг «Ўзбекистонда суд-ҳуқуқ ислохотларига кўмаклашиш» лойиҳаси ҳамкорлигида нашр этилган «Маъмурий ҳуқуқбузарлик тўғрисидаги ишларни юритиш бўйича ҳужжатлар намуналари» китобининг тақдироти ўтказилди. Ушбу тўплам маъмурий ҳуқуқбузарлик тўғрисидаги ишларни юритишда зарур ҳужжатлар намуналарини ўз ичига олган бўлиб, унда асосий эътибор фуқароларнинг ҳуқуқ ва манфаатларини ҳимоя қилиш, ҳуқуқбузарликларни тўғри квалификация қилиш, баённома ва қарорларни асосли расмийлаштириш, маъмурий жазо қўллаш тўғрисидаги қарорни ижро этишга оид масалаларга қаратилган.

Ҳуқуқни муҳофаза қилувчи ва назорат органлари масъул ходимлари иштирок этган анжуманда давлат органларининг маъмурий жавобгарликка оид қонун ҳужжатларини қўллаш фаолияти самардорлигини янада ошириш, қонун устуворлиги, фуқароларнинг ҳуқуқ ва манфаатлари ҳимоясини таъминлаш борасида эътибор қаратилиши зарур бўлган жиҳатлар ҳусусида фикрлашилди.

(ЎЗА)



Замонавий йўллар шаҳримиз кўрки

«Камолот»

ҲУҚУҚИЙ МАДАНИЯТНИ ЮКСАЛТИРИШ ЙЎЛИДА

Мамлакатимизда ёшларнинг ҳуқуқий билимларини ошириш, Конституция ва қонунларга ҳурмат ҳиссини камол топтириш ҳамда ҳуқуқий маданиятини юксалтиришга катта эътибор қаратилмоқда.

«Камолот» ёшлар ижтимоий ҳаракати «Ёшлик» талабалар шаҳарчаси Етакчилар Кенгаши ташаббуси билан шаҳарча ҳудудида жойлашган олий ва ўрта махсус таълим муассасалари талаба-ёшларининг жиноят ишлари бўйича Олмазор туман судига ташрифи уюштирилди. Тadbirkor доирасида ёшларнинг қонун ҳимоячилари билан давра суҳбати бўлиб ўтди.

Тadbirkorдан кўзланган асосий мақсад Ўзбекистон Республикаси Президентининг жорий йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тadbirkorлар тўғрисида»ги Қарориди белгиланган вазифалар

ижросини таъминлаш, ёшларнинг мамлакат миқёсидаги сиёсий жараёнларга муносабатини янада ошириш, ёшларда Ўзбекистон Республикаси Конституциясига, қонунларига ҳурмат ҳиссини камол топтириш, сўнгги йилларда суд-ҳуқуқ тизимида амалга оширилаётган ислохотларнинг мазмун-моҳиятини тушунириш, уларнинг ташаббусларини қўллаб-қувватлашдан иборатдир.

– Юртимизда ёшларнинг ҳар томонлама баркамол бўлиб вояга етишига катта эътибор қаратилади, – дейди «Камолот» ёшлар ижтимоий ҳаракати «Ёшлик» талабалар шаҳарчаси Етакчилар Кенгаши раиси Фаёз Қўшақов. –

Ташкил этилган учрашув ёшларнинг мамлакатимизда олиб борилаётган сиёсий ҳамда ижтимоий жараёнларда фаол иштирокини таъминлашга, уларнинг ҳуқуқий билимларини шакллантиришга асос бўлади.

– Тadbirkor иштирокчилари бевосита суд жараёнида иштирок этиш имконига эга бўлишди. Учрашувда талаба-ёшлар ҳамда суд ходимлари иштирокида давра суҳбати ўтказилди. Суҳбат жараёнида инсон ҳуқуқ ва эркинликларини қонун ҳимоясида эканлиги ва бунда суд ҳокимиятининг роли, жиноий жазони либераллаштириш, судга қадар бўлган босқичда суд назорати, Ўзбекистон Республикасида амалга оширилаётган суд-ҳуқуқ ислохотлари мавзуларига тўхталиб ўтилди. Талаба-ёшларнинг саволларига жиноят ишлари бўйича Олмазор туман суди судьялари Ҳамро Бердиқлиев ва Давронбек Шоазизов, туман суд ижрочилари бўлими суд ижросиси Ислон Қодиров тўлиқ жавоб беришди.

Иштирокчи ёшлар ўзларини қизиқтирган барча саволларга етарлича жавоб олишди. Бу каби давра суҳбатлари, семинар ва учрашувларнинг ташкил этилиши ёшларимизнинг ҳуқуқий маданиятининг юксалишига хизмат қилиши шубҳасиз.

Зиёда РАСУЛОВА

Олий Мажлис Қонунчилик палатасида

ФУҚАРОЛИК ЖАМИЯТИ ИЗЧИЛ РИВОЖЛАНМОҚДА

Ўзбекистон Республикаси Олий Мажлиси Қонунчилик палатасида «Фуқаролик жамиятини шакллантиришнинг долзарб масалалари: Ўзбекистон ва Германия тажрибаси» мавзусида давра суҳбати бўлиб ўтди.

Парламент қуйи палатасининг Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси томонидан Инсон ҳуқуқлари бўйича Ўзбекистон Республикаси Миллий маркази, Германиянинг Ф.Эберт номидаги фонди минтақавий ваколатхонаси ҳамкорлигида ташкил этилган анжуманда сиёсий партиялар, Ўзбекистон Экологик ҳаракати, нодавлат нотижорат ташкилотлари вакиллари, журналистлар иштирок этди.

Олий Мажлис Қонунчилик палатаси Спикери ўринбосари У.Мухаммадиев, Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси раиси А.Саидов, Ф.Эберт номидаги фонднинг минтақавий ваколатхонаси раҳбари П.Тешендорф, Олий Мажлис ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди директори А.Тўраев ва бошқалар фуқаролик жамиятини шакллантириш демократик қадриятларнинг мустаҳкам қарор топиши, фуқароларнинг масъулияти ва ижтимоий фаоллиги ошишида муҳим омил эканини таъкидлади.

Президентимиз Ислон Каримов раҳнамолигида аҳолининг кенг қатламларини қўллаб-қувватлайдиган турли фуқаролик жамияти институтлари, нодавлат нотижорат ташкилотларининг жадал ривожланиши ва шаклланиши учун барча зарур шарт-шaroит яратилди.

Мамлакатимизда фуқаролик жамияти институтларининг роли ва аҳамиятини кучайтириш ҳамда фуқароларнинг энг муҳим социал-иқтисодий масалаларини ҳал этишга қаратилган бир қатор қонун ҳужжатлари қабул қилиниб, ҳаётга изчил татбиқ этилаётган. Ўзбекистон Республикасининг «Нодавлат нотижорат ташкилотлари фаолиятининг қафоллари тўғрисида»ги қонуни жамоат тузилмалари фаолиятини қўллаб-қувватлашнинг ҳуқуқий асослари, давлат ҳокимияти ва бошқаруви органлари, нодавлат нотижорат ташкилотлари ўртасидаги ижтимоий ҳамкорлик равнақининг яхлит тизимини белгилаб берди.

Мазкур қонунга мувофиқ Парламент ҳузурида Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди ҳамда фонд маблағларини бошқариш бўйича Парламент комиссияси ташкил этилди. 2008-2014 йилларда 1200 дан ортиқ нодавлат нотижорат ташкилоти Парламент комиссияси томонидан қўллаб-қувватланди.

– Ўзбекистон барча соҳаларда жадал ривожланиб бораётгани эътиборга моликдир, – дейди ЎЗА мухбирига Ф.Эберт номидаги фонднинг минтақавий ваколатхонаси раҳбари П.Тешендорф. – Мамлакатингизда фуқаролик жамиятининг муҳим ва ноёб кўриниши – маҳалла институти ушбу йўналишда мустаҳкам асос вазифасини ўтамоқда. Ўзбекистонда фуқаролик жамияти изчил ривожланмоқда.

Давра суҳбатида фуқаролик жамиятини шакллантиришнинг Ўзбекистон ва Германия тажрибаси, маҳалла – ўзини ўзи бошқаришнинг ноёб тизими, фуқаролик жамиятини шакллантиришда экология ва соғлиқни сақлаш масалалари билан шуғулланувчи ННТларнинг роли, ижтимоий шериклик каби мавзуларда ўзаро фикр алмашилди.

Назokat УСМОНОВА

Диққат, викторина!

«СИЗ ТОШКЕНТНИ БИЛАСИЗМИ?»



Савол:

«Шаҳидлар хотираси» ёдгорлик мажмуаси қачон барпо этилган, унинг ўрнида XX асрнинг ўттизинчи йилларида нима бўлган?

Мустақил Ўзбекистонимиз танлаган ўз тараққиёт йўлидан дадил одимлаб, юксак марраларни эгалламоқда. Истиқлол йилларида Президентимиз раҳнамолигида мамлакатимизнинг барча ҳудудларида бўлгани каби, пойтахтимиз Тошкент шаҳрида ҳам улкан бунёдкорлик ишлари олиб борилди ва изчил давом эттирилмоқда. Барпо этилаётган маданий-маъмурий иншоотлар, турар жойлар, йўллар ва кўприклар, хиёбонлар, фавворалар, қайта таъмирланиб, янгича хусну тароват касб этган қадимий обидалар, қадамжолар гўзал ва бетакрор шаҳримиз кўркамга кўрк қўшмоқда.

Пойтахтимиз жамолини кундан кунга ояётган ободонлаштириш ва кўламазорлаштириш ишларининг катта ижтимоий ва тарбиявий аҳамиятини, кенг кўламли ўзгариш ва янгиланишлар энг буюк нўмат — Мустақиллик берган имкониятларнинг амалдаги самараси эканини, ватанпарварлик она юртни ўрганишдан бошланишини инобатга олиб, Тошкент шаҳар ҳокимлиги ва «Тошкент оқшоми» —

«Вечерний Ташкент» газеталари таҳририяти «Сиз Тошкентни биласизми?» викторинасини ўтказди.

Викторинада барча газетхонлар, пойтахт аҳолиси ва меҳмонлар ёши ва маълумотидан қатъий назар, иштирок этишлари мумкин.

Газеталарнинг ҳар сониди битта викторина саволи эълон қилинади. Кўрсатилган манзилга энг аввал етган тўғри жавоб қолиб саналади.

Ҳар ўнта саволдан кейин энг кўп тўғри жавоб йўллаган қолиб санланади.

Қолибларга қимматбаҳо совғалар топширилади.

Викторинанинг мутлоқ қолиби Ўзбекистон Республикаси давлат мустақиллигининг 24 йиллиги арафасида аниқланади.

Викторина жавоблари «Тошкент оқшоми» — «Вечерний Ташкент» газеталари таҳририятига ёки gazeta-vto@mail.uz, info@tashkent.uz электрон манзиллари-га йўлланиши лозим.

Мурожаат учун телефонлар:

233-29-33, 233-29-55, 233-45-84.

Тиббиёт

АҲОЛИ САЛОМАТЛИГИ
МУҲОFAЗАСИ — ДОЛЗАРБ
МАСАЛА

Ўзбекистон Соғлиқни сақлаш вазирлиги Давлат санитария-эпидемиология назорати маркази томонидан «Назокомиал инфекциянинг олдини олиш» мавзусида семинар ташкил этилди.

Ўзбекистон соғлиқни сақлаш вазирлигининг ўринбосари Л.Тўйчиев, Республика Давлат санитария-эпидемиология назорати маркази бош врачлари Б.Алматов, Франциянинг мамлакатимиздаги Фавкулотда ва муқтор элчиси Жак-Анри Ольс ва бошқалар Президентимиз Исроил Каримов раҳнамолигида Ўзбекистон тиббиёт тизимига олиб борилаётган туб ислохотлар аҳоли саломатлигини муҳофазалаш, шифо масканларининг моддий-техник базасини мустаҳкамлаш, аҳолига кўрсатилаётган тиббий хизмат сифатини ошириш ва кўламини кенгайтиришда муҳим омил бўлаётганини таъкидлади.

Мамлакатимизда тизимли равишда амалга оширилаётган чора-тадбирлар туфайли юқумли касалликлар бўйича эпидемик вазият барқарорлиги таъминланмоқда. Сўнгги йилларда полиомиелит, кизамиқ ва вирусли гепатитнинг «В» турига қарши миллий эмлаш ўтказилиб, болаларнинг 98-99,5 фоизи эмланмоқда. Натижада дифтерия, полиомиелит, қочшол, кизамиқ ва қизилча каби юқумли касалликлар қайд этилмаётди.

Соғлиқни сақлаш тизимининг стратегик вази-ларидан бири аҳолига сифатли ва хавфсиз тиббий ёрдам кўрсатишдир, — дейди Республика Давлат санитария-эпидемиология назорати маркази даволаш муассасаларини назорат қилиш бўлими мудир Нигора Аллаберганаева. — Мамлакатимизда барча даволаш-профилактика муассасалари замонавий диагностика ва даволаш усуллари билан жиҳозланиб, бир мартаба ишлатиладиган тиббий анжонлар билан таъминланмоқда. Шунга қарамайдан баъзан назокомиал инфекциялар аниқланмоқда. Бу тиббий ҳодимларнинг қўл ювиш, дезинфекция ва стерилизация режимларига тўла риоя этмаслиги оқибатида бир бемордан иккинчисига юқиши мумкин бўлган касалликдир. Ҳозир ушбу инфекцияларнинг олдини олиш мақсадида халқаро стандартлар асосида тегишли меъёrlар ишлаб чиқилиб, шифо масканларида дезинфекция ва стерилизация режимларига риоя этилиши қатъий назоратга олинган.

Ўзбекистон соғлиқни сақлаш тизимига эришилган ютуқларга ҳавас қилса арийдим, — дейди Пьер ва Мария Кюри номидаги университет вакили Фредерик Барбю (Франция). — Соғлиқни сақлаш муассасалари моддий-техник базаси янгиланиб, замонавий жиҳозлар билан таъминлангани, уларда юқори малакали тиббиёт ҳодимларининг фаолият олиб бораётгани соҳага қаратаётган улкан эътибор самарасидир.

Анжуманда инфекцияларни аниқлашнинг замонавий усуллари, бу борада жаҳон тиббиётини қўллашга йўналтирилган янги технологиялар, аҳолининг тиббий маданиятини янада юксалтириш, эпидемиологиянинг олдини олиш ва ўз вақтида даволаш бора-бора долзарб вазифаларга бағишланган маърузалар тингланди, ўзаро фикр алмашилди.

Сайёра ШОЕВА,
ЎЗА мухбири

Осиё ўйинлари — 2014

СПОРТЧИЛАРИМИЗ БРОНЗА
МЕДАЛИ СОВРИНДОРЛАРИ

23 сентябрь куни дзюдо бўйича Ўзбекистон эркаклар терма жамоаси XVII ёзги Осиё ўйинларининг жамоавий беллашувларида бронза медалини қўлга киритди.

Жамоавий беллашувларда ўз вазн тоифаларида Ришод Собиров, Наврўз Жўрақобов, Сарвар Шомуродов, Яхё Имомов, Дилшод Чориев, Абдулла Тангриев ва Сойиб Курбонов терма жамоамиз шарафига ҳимоя қилди.

Саралаш босқичида дзюдочиларимиз Япония терма жамоасини 3:2 ҳисобида мағлубиятга учратди. Р.Собиров, Д.Чориев ва А.Тангриев ўз вазн тоифасида рақибларидан устун келди.

Ўзбекистон терма жамоаси учинчи ўрин учун Эрон терма жамоаси билан беллашди. Мазкур баҳсда дзюдочиларимиз маҳоратини намойиш этиб, 4:1 ҳисобида ғалаба қозонди. Дзюдочиларимизнинг мазкур ғалабаси миллий терма жамоамиз ҳисобига яна бир бронза медалини келтирди.

Таъкидлаш жоизки, мамлакатимиз дзюдочилари XVII ёзги Осиё ўйинларидаги иштирокини муваффақиятли якунлади. Мусобақа якунига кўра улар ҳисобида битта кумуш ва тўртта бронза медали бор.

* * *

XVII ёзги Осиё ўйинларида теннис бўйича Ўзбекистон эркаклар терма жамоаси жамоавий беллашувларда учинчи ўринни эгаллади.

Терма жамоамиз таркибида машҳур теннисчилар Денис Истомин ва Фаррух Дўстов иштирок этди.

(ЎЗА)

«101»

ЛОҚАЙДЛИККА БЕРИЛМАЙЛИК

Ёнғин натижасида юзага келадиган кўнгилсизликларнинг олдини олиш учун ҳар биримиз унга қарши фаол курашишимиз зарур. Соҳа ходимлари бу борада аҳоли ўртасида тушунтириш ишларини олиб боришмоқда.

Ёнғин хавфсизлиги хизмати ходимлари ёнғиннинг келиб чиқишида фуқароларнинг бепарволиги асосий омил бўлаётганлигини, лоқайдлик сабаб уй-жойлар куйиб қолган айланаётганлигини мисоллар ёрдамида тушунтириб беришмоқда.

Шу ўринда ёнғин келиб чиқишининг асосий сабаби оловга эҳтиётсизлик билан муносабатда бўлиш эканлигини таъкидлаш жоиз. Ёнғин содир бўлганида уни ўчиришга шайланган соҳа ходимларига фуқаролар ўзла-

Пойтахтимиздаги «Пахтакор» марказий стадионида «Kamolot-TUR» VII ёшлар веломаарафонининг шаҳар босқичи бўлиб ўтди.

Мусобақалар

ЖИСМОНИЙ БАРКАМОЛЛИК САРИ
ТАШЛАНГАН МУҲИМ ҚАДАМ

«Камолот» ёшлар ижтимоий ҳаракатининг асосий фаолият йўналишларидан бири, бу — ёшлар орасида жисмоний баркамоллиқни тарғиб қилиш, спортнинг оммавий ва миллий турлари, халқ ўйинларини ривожлантиришга қўмаклашиш, турли мусобақа ва турнирларни ўтказишдан иборат.

Президентимизнинг жорий йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги Қарорида белгиланган вазифалар ижросини таъминлаш, ёшларни спортга оммавий равишда жалб қилиш, улар ўртасида ўзаро маданий, дўстлик алоқаларини янада мустаҳкамлаш мақсадида пойтахтимизнинг барча туманларида «Kamolot-TUR» VII ёшлар веломаарафонининг туман босқичлари ўтказилди. Туман босқичларида мингга яқин ҳаваскор ёшлар иштирок этди.

Таъкидлаш жоизки, Ҳаракатнинг «Kamolot-TUR» веломаарафони ёшлар орасида кенг оммалашган ва улар томонидан интиқили билан қўлиб олинган мега-лояҳа ҳисобланади, — дейди «Камолот» ёшлар ижтимоий ҳаракати Тошкент шаҳар Кенгаши матбуот хизматининг етакчи мутахассиси Азиза Раҳматуллаева. — Ҳаракат тизимлари томонидан ёшлар орасида соғлом турмуш тарзини тарғиб қилиш мақсадида амалга оширилаётган турли лойиҳалар спортнинг оммавий турлари бўйи-

ча ўтказилаётган мусобақа ва турнирларда ўз аксини топмоқда. 2008 йилдан буён велоспорт бўйича анъанавий тарзда ўтказилаётган «Kamolot-TUR» веломаарафони ёшларнинг спортга, хусусан, велоспортга қизиқишларини ошириш, уларни жисмонан соғлом, руҳан тетик қилиб тарбиялашда муҳим омил бўлиб хизмат қилмоқда. Аҳамиятлиси, мазкур веломаарафonda мамлакатимизнинг ҳар бир йигит-қизи ихтиёрий тарзда иштирок этиши мумкин.

Шуни алоҳида таъкидлаш лозимки, веломаарафonda қатнашувчи ёшлар сони йилдан йилга кўпайиб бормоқда. Мусобақада туман босқичларида 1-2-3-ўринларни эгаллаган совриндорлар билан бир қаторда болалар ва ўсмирлар спорт мактабларининг велоспорт бўлимлари тарбияланувчилари ҳам фаол иштирок этди. Бу эса пойтахт ёшлари ўртасида спортнинг мазкур турига қизиқиш ортиганидан далолат беради.

Веломаарафonda учта ёш тоифаси (9-14, 15-17, 18-30) қолиблики қўлга киритган ёшлар «Камолот» ёшлар ижтимоий ҳаракати Тошкент шаҳар Кенгаши томонидан диплом ва қимматбаҳо совғалар билан тақдирланди.

Тошкент шаҳар босқичида юқори натижаларни эгаллаган ҳаваскор велоспортчилар мусобақанинг республика босқичига йўланмани қўлга киритди.

Зарина РУСТАМОВА

МАҲАЛЛА ЁШЛАРИ КУЧ СИНАШДИ

Ёш авлодни ватанпарварлик руҳида тарбиялаш мақсадида «Камолот» ёшлар ижтимоий ҳаракати Чилонзор туман Кенгаши ташаббуси билан «Соғлом миллатгина буюк ишларга қодир бўлади» шиори остида Лутфий маҳалласида «Мустақиллик кубоги» футбол мусобақаси ташкил қилинди.

Мусобақа «Маҳалла» хайрия жамоат фонди туман бўлими, туман Маданият ва спорт ишлари бўлими, туман вояга етмаганлар ишлари бўйича комиссияси, туман ички ишлар бошқармаси, туман тиббиёт бирлашмаси ҳамкорлигида ташкил этилди.

Ўртоқлик учрашувида тумандаги «1-Қатортол» ҳамда Лутфий маҳалла-лари ёшларидан иборат футбол жамоалари қатнашди. Мусобақанинг очилиш маросимида «Камолот» ёшлар ижтимоий ҳаракати Чилонзор

туман Кенгаши раиси Баҳодир Зиёвдиннов, «1-Қатортол» маҳалла фуқаролар йиғини раиси Исмоил Балтабаев ҳамда Лутфий маҳалла фуқаролар йиғини раиси Рихсидов Каримов сўзга чиқиб, бундай хайрли тадбирларни ўтказишдан асосий мақсад ёш авлодни ватанпарварлик руҳида тарбиялаш ва маънавий дунёқарашини кенгайтириш, улар ўртасида соғлом турмуш тарзини шакллантириш, спортга бўлган қизиқишларини янада кучайтириш эканлигини таъкидлаб ўтишди.

Ёшлар ўртасида соғлом турмуш тарзини тарғиб этишга хизмат қилувчи мусобақанинг якуний натижаларига кўра Лутфий маҳалласи ёшларидан ташкил топган футбол жамоаси «1-Қатортол» маҳалласи ёшларидан ташкил топган футбол жамоасини 7:1 ҳисобида енгиб, ғалаба навидашига сурди.

Қолиблар «Камолот» ёшлар ижтимоий ҳаракати Чилонзор туман Кенгашининг фахрий ёрликлари билан тақдирланди.

Замира РАҲМОНОВА

Бундан ташқари ёш болаларни қаровсиз қолдириш ҳам аҳоли турар жойларида ёнғинга олиб келувчи сабаблардан ҳисобланади. Бола барибир бола-да, қаровсиз қолдирилса у ўзича гўгурт ўйнаши, электр асбобларини ишлатиб кўриши мумкин. Табиийки, ёш бола хавфсизлик қоидаларини билмайди. Шу сабабли ота-оналар фарзандларини оловдан эҳтиётлаш билан бирга, ёнғин хавфсизлиги қоидаларини ҳам ўргатиш мақсада мувофиқ бўлади. Токи мурғак болалар беҳудага ногирон бўлиб қолмасин, мажруҳга айланмасин.

Шунингдек, корхона-ташкilotлар биноларида ҳам кўпинча ёнғин хавфсизлиги қоидаларига амал қилмаслик ҳоллари учрамоқда. Бу ҳол жуда катта йўқотишларга олиб келиши мумкин. Уларнинг олдини олиш мақсадида ёнғин хавфсизлиги хизмати ходимлари барчани ёнғин хавфсизлиги қоидаларига риоя қилишга чорлайди.

Елдар ИНОЯТИЛЛАЕВ,
Миробод тумани ИИБ ЁХБ инспектори, сержант

РЕКЛАМА ВА ЭЪЛОНЛАР

«K'O'CHMAS MULK SAVDO XIZMATI»
МЧЖ бошланғич баҳоси босқичма-босқич ошиб бориш тартибидида ўтказиладиган очик аукцион савдосига таклиф этади!

Аукцион савдосига Олмазор туман СИБ томонидан, Тошкент шаҳар ҳўхалик судининг 21.07.2011 йилдаги 10-1117/7803-сонли, 09.03.2011 йилдаги 10-1008/21203-сонли, 16.05.2011 йилдаги 10-1114/4969-сонли иккxо варақасига асосан, Тошкент шаҳри, Олмазор тумани, Уста Ширин 1-тор кўчаси, 254-уйда жойлашган ер участкасининг умумий майдони 481 кв.м., бино иншоотининг умумий майдони 979 кв.м., фойдаланиш майдони 832,15 кв.м. бўлган ер-тували, икки қаватдан иборат ер-тували маъмурий бинo тақоран қўйилмоқда. Бошланғич баҳоси — 674 130 380,00 сўм.

Аукцион савдоси 2014 йил 14 октябрь куни соат 12:00 да бўлиб ўтади. Аризалар расмий иш кунлари соат 10:00 дан 16:00 гача қабул қилинади (13:00 дан 14:00 гача тушлик). Аризаларни қабул қилишнинг охириги муддати: 2014 йил 10 октябрь куни соат 18:00.

Кўчмас мулк билан тегишли суд ижрочилари бўлимининг вакили иштирокида бевосита жойига чиқиб танишиш мумкин.

Талабгорлар мулк бошланғич баҳосининг 10 фоизидан кам бўлмаган миқдорда закалат пулини, тўлов ҳужжатида иккxо ҳужжати рақами ва санасини кўрсатган ҳолда «K'o'chmas Mulk Savdo Xizmati» МЧЖнинг «Ипак йўли банки» ОАИТБ Савбон ф-даги 20208000904920609114, МФО: 01036, СТРП: 207122519 қ/рга тўлашлари шарт.

Савдо ўтказиладиган манзил: Тошкент шаҳри, Олмазор тумани, 1-Қорақамиш кўчаси, 1-А-уй. Тел: 228-79-52. www.1kms.uz

Лицензия: RR-0001.



32-34 даража иссиқ бўлади.

Ўзидрометнинг мониторинг хизмати маълумотига кўра, 26 ва 27 сентябрь эрта-

Тошкент шаҳрида 26 сентябрь куни ҳаво бир оз ўзгариб туради, ёнғингарчилик бўлмайди. Шарқдан сундиға 5-10 метр тезликда шамол эсади. Ҳарорат кечаси — 16-18, кундузи —

талаб Тошкент шаҳрининг об-ҳаво шароити шаҳар ҳаво муҳитида зарарли моддаларнинг йиғилишига имконият яратадиган, ифлосланиш даражаси паст бўлади.



МУАССИС: ТОШКЕНТ ШАҲАР
ҲОКИМЛИГИ

Манзилимиз: 100029,
Тошкент шаҳри,
Матбуотчилар кўчаси, 32



Бизнинг электрон манзил:
gazeta-vto@mail.uz
Буюртма Г- 955

ТЕЛЕФОНЛАР:
Эълолар: 233-28-95
факс: (371) 233-29-55

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рўйхатга олинган

Ҳажми — 2 босма табоқ, офсет усулида босилади.
5779 нусхада босилди.
Қоғоз бичими А-2

Топшириш вақти: 13.00

Нашрни етказиб бериш масалалари бўйича турар жойлардаги почта бўлимларига ёки «Тошкент почтаменти» — 233-74-05 телефонига мурожаат қилишингиз мумкин.

Газета таҳририят компьютер марказида терилди ва саҳифаланди.

«Шарқ» нашриёт-матбаа акциядорлик
компанияси босмаҳонаси. Корхона
манзили: Буюк Турон кўчаси, 41-уй

Бош муҳаррир
Акмал АҚРОМОВ

Босишга топширилди: 13.30